

宋

會

要

全唐文

宋會要

喃厮囉

喃厮囉漢名佛兒始於郭州城起立文法漸為蕃部歸
順赴宗哥城居住為其妻族納厮結等竊誘往邈川城
温逋奇所住坐又十餘年因入貢朝廷封厮囉充寧
遠大將軍愛州團練使三男唐福壇角董檀住坐以時入貢
馬真宗大中祥符七年知秦州張佖置大落門新寨
先是佖欲近渭置採木場蕃族聞之即徙帳去佖不能
遂撫之戎人輒悔因嚮導鈔劫佖深入掩擊悉敗走既
而求和佖不許時宗哥族立遵喃厮囉温逋奇等帳族
甚盛勝兵六七萬與夏州抗敵希望朝廷恩命佖奏請

拒絕涇原曹瑋又言宜厚廝囉以拒德明也五月二
十五日以渭州蕃族首領唃廝囉為殿直充巡檢使先
是廝囉率帳下來歸給以上田未及播種且求俸給贍
用故有是命八年二月宗哥族唃廝囉立遵溫逋斯木
羅丹並遣使貢馬充賜行李物色茶藥詔估其直得錢
七百六十萬詔賜袍笏金帶器幣供帳什物茶藥有差
凡有金七千兩他物稱是時宗哥立文法聚衆數十萬
請討夏州以自効帝以為戎人多詐慮緩急侵寇及騷
熟戶乃命曹瑋知秦州兼兩路沿邊安撫使以備之
八月二十九日曹瑋上言唃廝囉所部劉王叔遣帳下
青波來告近遣西涼廝鐸督部兵十萬掩殺北界部落

勝捷續遣人獻首級次是冬侍禁楊承吉使宗哥還言
蕃部甚畏秦州近邊丁家馬家二族人馬頗衆甚依倚
朝廷又唃廝囉以立遵為謀主立遵貪而虐好行殺戮
其下恐懼近築一城周迴二里評興役之際無他號令
但急鼓則增土緩則下杵不日而就夷人稟畏如此其
地東至秦州永壽塞九百一十五里東北至西涼府地
五百里西北至甘州城五百里東至蘭州城三百里南
至河州城四百一十五里又東至龔谷五百五十里西
南至青海四百里又東至新渭州千八百九十里承信
以圖來上 十月宗哥蕃部廝鐸督遣使求貢 九年
三月宗哥唃廝囉立遵遣使來獻馬五百八十二足詔

賜器幣總萬二千計以答之十二月十七日以宗哥族
李遵為保順軍節度使仍賜襲衣金帶器幣鞍勒馬鎧
甲遵一名立遵一名郢成蘭逋叱佐喃厮囉裁制蕃族
多恣陵暴至是屢祈恩典且求贊普之號遭瑋言遵所
求無厭不可悉許唯恩命俸給望依厮譯督例宰臣王
旦曰贊普戎王也立遵既求贊普喃厮囉居立遵之上
而無所求盖妄自尊大之甚也臣以為彼既求恩不可
不納但當為之制節故有是命 天禧三年二月宗哥
喃厮囉李遵遣蕃僧景遵等十人來貢 四年宗哥喃
厮囉復作文法詔遣近臣巡邊察其變詐 仁宗天聖
年中知秦州王博文遣右都押衙李文素等入蕃往邀

川招誘喃廝囉羌人入漢上京進馬乞官職詔除寧遠
大將軍愛州團練使 景祐二年十二月二十一日除
喃廝囉保順軍節度觀察留後依舊邈川首領 寶元
元年十二月二十三日詔賜喃廝囉絁絹十疋角茶十
斤散茶十五百斤 二年二月五日賜角廝囉詔曰朕
以昊賊僭狂侵擾邊境卿資忠濟勇効順輸誠授任高
牙保我西畧憤茲醜類嘗議剪除相得傳聞共深讎嫉
所宜早興師旅往襲空虛乘彼未還拔其根本父子竭
力殄族抗渠今正其時機不可失今來昊賊犯邊卿俟
詔到日連領手下軍徑往賊界同共剪除殺戮如能有
心蕩滅得昊賊即當授卿銀夏等州節制仍羌心腹人

賁起發兵馬日數文字報與緣邊經畧安撫司以憑發
兵應援仍賜襲衣金帶絹二萬疋 四月十二日保順
軍節度邈川大首領喃厮囉男瞎孛磨墮角各賜襲衣
金帶銀幣茶茗諸物及銀裝胡床銀水罐等仍月給綵
絹十五疋時已授團練使俸料恩賞併有加賜 康定
二年正月十八日授喃厮囉檢校太保充保順河西等
軍節度使 慶厯七年五月二十八日臣僚上言喃厮
囉子瞎孛別作一城住坐欲絕往來進奉之路恐與元
昊相通亦慮夏國有結親之好乞賁詔敕存撫知秦州
梁適亦言喃厮囉父子欲依例只作經畧苟意度差人
量齎信物以存撫為名因便令體量探事宜及招買鞍

馬從之 皇祐五年十二月賜西蕃磨氍角進奉人蕃
部首領衣服銀帶有羗磨氍角下芭溫度祝廝給四每
李氏下兩兩離叱臘丹物阿廝因男欺丁下納兒剝蕃
官李田子訥兒下李凡氍羅導 蘭氍邊朱下訥下亦
麻蕃官李郢咸下彪逋各賜紅團花大錦夾旋欄銀帶
銀器五兩依着十匹蕃部從人四十五人各賜榮小綾
錦旋欄銀帶進奉首領紫衣僧導蘭氍結逋首領紫衣
僧沈導首領紫衣僧黨導叱臘青各賜紫衣三件銀器
五兩衣着十尺 嘉祐三年五月以西蕃恩州團練使
麾氍角子乞瞎撒欺丁為順州刺史 十月以故西蕃
獎州團練使瞎氍子瞎欺丁丁木征為河州刺史瞎欺

丁兀錢為本族都軍王瞎吳比為軍主 四年十二月
詔喃廝囉進奉首領赴殿宴升其坐近北一間初秦鳳
路經畧司言喃廝囉首領每到闕過宴坐館下而見夏
國人使坐朶殿上意頗不平故特升之八年三月遺賜
西蕃喃廝囉金束帶盤毬暈錦衣銀器二百兩白絹二
百匹角茶散茶各百斤治平四年正月遺賜準此 八
月十五日秦鳳路經畧司言西蕃喃廝囉蕃僧馬取逋
廝鷄死有姪蕃僧僧結巴承襲紫衣從之 英宗治平
元年六月十四日秦鳳路經畧司言西蕃喃廝囉進奉
首領沈遵太師乞換漢官其沈遵元係磨角下蕃僧每
月支綵一疋乞與換本旋正軍主請受依舊從之 十

七日詔喃廝囉每

原本缺

大綵一百疋角茶二百斤散茶

三百斤子董璫加防禦使每月添大綵五疋角茶五斤

散茶十斤 七月以西蕃瞎璫子瞎欺丁木征為河州

刺史初木征為瞎藥鷄羅所誘据近寨青唐族立文法

至是內附故命之

二十一日秦奉路經畧司言喃廝

囉首領蕃僧曹遵等齎到蕃字尋譯數內陳乞李波機

瞎乞加官職俸錢樞密院勘會見係本旋軍主今進貢

乞量加職名請受詔李波機瞎轉本族副都軍主每年

添大綵三疋散茶一十斤十月十九日秦鳳路經畧安

撫司言邈川瞎璫男結瓦那征陳乞官職奉錢詔為副

軍三月給茶綵有差 十二月二十三日西蕃保順軍

節度使董璠乞所屬蕃官叱臘覬等二十三人官職請
俸詔以登極推恩特與遷轉及月賜茶綵有差 以上
國朝會要

宋會要

吐蕃

治平四年二月

神宗即位未改元

涇原路經畧司言西蕃首領

拽羅鉢鳩令結等二人前後共招呼過順漢不順漢蕃

部共三百余帳歸投西界又于靜邊寨招誘人戶其蕃

部喝裝與芭撒鳩令光以告巡檢弓箭手指揮使麻英

掩捕獲之喝裝等乞早與補職詔喝裝補都虞候仍賜

錢五百千麻英授下班殿侍三班差使充弓箭手巡檢

芭撒鳩令光軍補軍使仍各賜錢百千其蕃部襖子腰

帶茶綵令經畧司依例支給拽羅鉢鳩令結斬首徇于

軍九日詔西蕃邈川首領保順軍節度使檢校司空董

瑄除檢校太保閏三月陝西路緣邊宣撫使郭達言秦

州青雞川川番官首領藥廝哥願獻青雞川地土乞修展城寨招置弓箭手本司已于青雞川南路半谷口脩置城寨從之 四月經原路經畧司言德順軍靜邊寨界熟戶番部都虞候角撒與西賊相殺捉到部落子四十九人所奪到人頭駱駝弓箭等乞優與酬獎詔角撒六十人第功遷一資至三資其功微者賜束帛茶俟再有功以聞被害之家常加存恤 九月二十九日樞密院言原州所管番部內明朱滅藏最係大族訪聞約有數萬昨李若愚已團結到一千三百余人欲令新差知原州高遵裕與种旨更切團結逐族壯人馬聞奏從之 十二月二十三日詔董纘入貢使人回賜依治平元年

賜喃厮羅例其妻賜銀器五十兩衣着百疋

神宗熙

寧元年二月封西蕃邈川首領董檀母奉化縣若心氏
為安康郡太君以其子都軍主欺丁磨彪蘇南蘭逋叱
為錦州刺史董檀父卒推恩起復故也 八月秦鳳路
走馬承受王有度言生戶延厮鐸并青唐家首領余龍
琦等與熟戶相殺延厮鐸累寇邊今又勾引青唐族刦
掠熟戶樂令家等族帳緣青唐一族人馬頗眾竊慮別
生邊患詔本路經畧使孫永相度撫遏早令安靜仍具
經久處置事狀以聞 二年六月洮州木征進奉首領
張訥兒諸等辭于崇政殿詔諭已令秦州放贍厮鐸心
歸本族仍降詔諭木征先是鐸心作過質于秦州十餘

年未征上表云是妻父今年老乞放還故有是命 三年十二月二十二日以西蕃邈川首領保順軍節度使董纒討擊西界作過人有功賜詔獎諭并衣帶鞍馬先是秦鳳路言昨夏人聚兵犯環慶謀報西蕃董纒嘗乘虛深入其境虜獲甚多朝廷令韓縝奏驗既而上批蔡挺所奏董纒事與縝探報頗同可賜詔獎激之仍遣使臣押賜故有是命 四年九月二十四日賜董纒加食邑一千戶實封三百戶 五年五月九日以青唐大首領俞龍珂為西頭供奉官俞龍珂與其兄瞎藥皆為木征腹心上方經畧河隴命王韶招懷之因舉衆內附初議龍珂官賞王安石曰恐當令緣邊安撫司議其輕重

若朝廷即與官賞過當恐諸族觀望各有覬覦兼恐久
遠難于驅誘文彥博曰近者悅遠者來若撫之過厚則
舊蕃部或不樂矣上曰事勢大小自不同安石曰誠如
此令脩已事力豈龍珂之比上曰脩已止四百戶龍珂
號為十萬家縱甚少亦必數萬于是上從安石言下安
撫司而有是命仍寵以勲階賜姓色名順 八月三十
日詔秦鳳路緣邊安撫司曉諭木征限一月降放罪仍
優與官爵不從即多設方略擒討仍并以内殿崇班告
及錢五十緡募人捕送 九月一日以西蕃邈川首領
保順河西軍節度使喃廝羅孫結吳延征為禮賓副使
充鎮洮軍洮河西一帶蕃部鈴轄仍選差會蕃語得力

使臣一名充隨行指使 初秦鳳沿邊安撫司奏諸將
破鞏令城有木征弟結吳延征手下大酋領等二十餘
人出來公叅已據力量補職名厚撫遣之因言延征可
遂與一官使統部族足收其用故從之 十月二十三
日以知通遠軍右正言集賢殿脩撰王韶為龍圖閣待
制熙河路都總管經畧安撫司兼知熙州以克復洮岷
之功也以西上閤門使榮州刺史高遵裕知通遠軍兼
權熙河路總管先是上謂執政曰王韶初經制鎮洮異
議紛更之際而高遵裕能協力欲與一都鈐轄名目何
如王安石曰縱與權總管亦無害蔡挺曰若如此即當
罷知通遠軍蓋自来無總管離帥府而知州軍者上曰

有事宜即出駐副使知軍亦何妨安石曰總管知軍與
鈴轄何異亦不須論舊例有無也故有是命六年八
月八日照河路經略司言邈川溫訥支那成四乞授官
給俸詔除莊宅副使充邈川一帶蕃部都巡檢使並依
漢官請文溫訥支那成四住河州之北所管二十八部
族有兵約六萬四十人西接董氊南距黃河勾家族東
界拶家族北隣夏國所居至河州西驛今與夏國通和
董氊即不相往來其先嘗授中朝歸德將軍問河州既
下遣次首領華兒河馬等四十三人請命及以同勾當
本族楊征溪心為供奉官侍禁蕃部同巡檢加賜階勳
降告敕以命之二十二日王韶言本征子兀丁吒乞

與補一官詔補三班奉職賜姓錢名懷義 十二月二
日照河路經畧司言招納河岷洮州蕃部須優給請受
使速人向慕副兵馬使料錢五百文軍使七百副指揮
使八百指揮使一貫都虞候一貫五百文副軍主二貫
軍主二貫五百副都軍主二貫七百都軍主三貫並從
之 二十六日詔以岷州都首領瞎吳叱洮州都首領
巴壇角並為崇儀副使董谷為禮賓副使瞎吳叱岷州
巴壇角洮州董谷河州蕃部鈐轄瞎吳叱等皆本征弟
也王詔招納內附至是引見于延和殿故有是命 七
年三月十四日詔見留秦州蕃官瞎吳叱等令王中正
等常加安存照管 四月三十日照河路經畧使王詔

表言四月十二日有西蕃王子河州大首領瞎木征詣
軍前乞降已于十九日就軍前受降訖詔木征及母妻
子今王韶李憲發遣赴闕走馬承受長孫良臣引押優
厚支錢令緣路供給初韶赴闕還在道聞景思立敗疾
馳而西會兵于熙州以三月九日度洮翌日破耳金于
結河川口斬十餘級進軍寧河討蕃族于鋪心把離等
谷復斬千餘級釋河州圍走鬼章等三萬餘人木征竄
入南山十七日諸將領兵旁南山焚族帳通路至河州
四月十四日師自河州閭精殺出踏白城西與蕃賊
戰斬千餘級十五日進至銀川破賊堡燭七千餘帳斬
二千餘級十六日分兵北至黃河西至南山復斬十餘

級又遣將領兵入踏白城葬祭陣亡將士十七日回軍
吉河進築珂諾城前後斬七十餘級燒二萬餘帳獲牛
羊八萬餘口木征率酋長八十餘詣軍門降上批西河
路自恢復以來征戍饋餉人頗勞苦今木征已降邊事
寧息宜曲赦本路以知熙州資政殿學士左諫議大夫
王韶為禮部侍郎觀文殿學士依舊兼端明殿龍圖學
士賜絹三千仍官其子內園使燕達為西上閤門使英
州刺史秦鳳路總管照管軍馬事宜東頭供奉官李憲
奇昭宣使嘉州防禦使賞降木征之功也 六月二十
一日詔賜木征姓趙名思忠為榮州團練使母壽安郡
君郢成結賜姓李封遂寧郡太夫人月賜脂粉錢三十

十妻俞龍七為安定郡君結施卒為仁和縣君又名其
弟董谷曰繼忠結吳延曰濟忠瞎吳叱曰紹忠巴檀角
曰醇忠巴檀抹曰存忠又賜其二子忠長邦辟勿兀兀
名曰懷義次蓋兀名曰秉義並為石侍禁首領結成抹
阿里骨並為東頭供奉官先是木征在河州歸窮屈膝
比至上拊之祿其母妻而官其二子至是辭去異類識
上恩信拊蹈而去 十二月二十六日入內供奉官李
翊言護趙思忠一行至新安驛阿里骨毆傷麻宗道詔
阿里骨追所授官仍令照河路經畧司相度決罰拘質
阿里骨及至熙河高遵裕斬之 八年三月四日熙河
路言招呼到杓吹逋族首領朴哥叱詔補奉職充巡

檢 五月十五日蕃僧李巴檀補三班長使本族蕃巡
檢巴檀在黃河北居所領部族頗多接連夏國地分聞
為外界所誘迫以職名羈縻之從洮西安撫司所請也

十月一日詔以青唐蕃部并蕃兵隸岷州從洮東安
撫司請也 九年正月九日熙河路經畧司奏河州首
領郎結檀鬼驢叱逋巴角言鬼章令結檀等攻河州結
檀等心欲內附與甥欺巴溫同謀殺鬼章未發而鬼章
覺走歸塔南城結檀率本族首領百二十一人來降上
批結檀等相率出降仍斬不順蕃部首級及同謀殺鬼
章不克河州雖已擣賞恐未足酬其忠順鼓動衆心可
優與官賞庶山後諸羌聞風相率內附河州邊備稍得

解嚴乃以郎結擅為內殿承制其餘首領補班行及蕃
官有差二十二日照河路經畧司高遵裕言邈川溫溪
心見欲來降謀知夏人已在邈川之北若溫溪心畏其
迫逐而來拒之則非平日懷撫之意納之則夏人必有
詞不敢專決詔溫溪心及受夏國奉給之人可勿招納
十年六月十四日合州防禦使趙思忠卒號瞎眼丁
木征木征蕃中語謂大頭頰嘉祐中徐河州刺史熙寧
初王韶領洮河安撫司李憲為之助自古謂塞接青唐
武始郡招納蕃部與通市易募人營田遣僧智緣啗木
征以厚利因以兵往未能得其要領會有詔能捕獲木
征者除內殿崇班賜錢五千緡又數出兵援之殺其老

弱前後數千級所焚燒帳族以萬數納降大首領十餘
皆其腹心也又擒其妻子輒不殺與官故木征以七年
四月來降盡復洮河二州地方二十里捷書至朝廷以
為大慶詔由節度推官數年至樞密使李憲自走馬承
受至統帥皆發跡于此自用師熙河歲常費四百餘緡
至七年以來財用出入少可會歲常費三百六十萬緡
于是木征賜今姓名方引對思忠時上召色民俞龍七
許以蕃服及二子皆上殿勞問又詔思忠色民聞汝夫
婦不相能自今當和睦思忠不能奉詔乃詔思忠居熙
州色民俞龍七居河州八年以為秦州鈐轄不管職事
思忠乃因經略司自言乞管勾熙河路蕃部經略司以

為不可詔于熙河二州給地五十頃已氏俞龍七各十
頃十年遷合州防禦使卒贈鎮臨洮軍節度觀察留後
官給葬事許以牌印從葬以其子左侍禁懷義為內殿
承制右侍禁秉義為內殿崇班十月十四日鬼章重禮
使人進貢令寓止同文館十一月二十三日以西蕃遞
川首領董氈都首領青宜結鬼章為鄯州刺史阿令骨
為崧州刺史大首領拔歲党令結等四人並與郎將小
首領一人與副軍主持用進奉首領赴闕例也十二月
八日詔西蕃董氈已遣使朝貢舊係秦州解發今既建
熙河一道委本路帥府解發并給茶料十二日西蕃遞
川首領董氈進珍珠乳香象牙玉石馬詔依例估價特

回賜銀綵及添賜錢仍賜對衣金腰帶銀器衣著茶等
仍加功臣食邑移鎮除舊請外歲添賜大綵四百疋角
茶二百散茶二百斤其鬼章及首領等所進亦依估價
外添賜錢訖都管首領青宜結鬼章特賜十五兩金束
帶法錦襖子器幣各五十及阿骨並持除刺史每月各
支大綵十疋角茶十斤散茶二十斤制西蕃遼川首領
保順軍節度洮州管內觀察處置押藩落等使開府儀
同三司檢校太傅使持節洮州諸軍事行洮州刺史兼
御史大夫上柱國常樂郡開國公食邑七千一百戶食
實封一千七百戶量糧可特授依前檢校太傅使持節
鄯州諸軍事行鄯州刺史兼御史大夫西平軍節度鄯

州管内觀察處置押番落等使仍舊西蕃邈川首領加
食邑一千戶賜推誠順化功臣 元豐元年四月二十
一日熙西河路選使臣押崇儀使岷州蕃部鈐轄趙紹
忠赴秦州經畧司知管毋得輒縱出城七月二十五日
詔昨西蕃董壇遣首領朝貢忠款可嘉差供奉官郭英
齎詔慰諭及賜對衣金帶銀器衣著各三百令熙河路
經畧司依治平二年差使臣賜制告例經畧司更送大
細法錦五疋大綵五十疋細末散茶各五十斤 八月
二日詔知岷州神謨集蕃官出訥兒溫及祿尊衆論所
犯凌遲處斬妻田田產並賜包誠子年十五以上配廣
南牢城十四以下聽隨行哥吳補三班奉職賜絹二百

錦袍帶各一結金遷兩資賜絹百疋先是熙寧中鬼章
犯境訥兒溫祿尊首率部族叛附鬼章邊事纔息未降
今又陰附董檀鬼章謂言恐為邊患上董檀所與祿尊
蕃字故誅之八日入內高品李穀言編排賜董檀等物
乞下所屬供赴資善堂編排從之董檀賜詔鬼章賜勅
二十二日秦鳳路經畧使呂大防言欲選差人量齋茶
緣以回答為名付鬼章今說諭約束河囉日今母得輒
集人馬誘脅階州熟戶從之九月十五日照何路走馬
承受長孫良臣言郎鬼兩族共六百餘人雖從采借地
耕種終非已有乞于河州或南州寨側近根括空閑及
弓箭手逃田內標撥二十頃分給從之二年三月一日

董璪遣景青宜党令友等采貢方物十四日詔賜董璪
錢一千二百緡銀緡各十對衣金帶銀器衣着等補進
奉大首領景青宜党令友珍州刺史劉勇丹結古扶州
刺史餘有官者這一資未命者補職名有差歲增大首
領大緡十七疋小首領五疋散茶各十斤以經制照河
邊防財用李憲言景青宜党令友敘述和斷之勞故也
六月十七日董璪貢奉大首領景青宜党令友等辭上
召通殿陞諭曰歸告董璪所遣貢奉人甚恭恪今已許
汝納款此後可數遣人來任便交易又聞部落子欲侵
汝疆境祖父土田宜善守勿失八月一日御延路經畧
使呂忠卿言蕃部屈里也受西人乙都報西界點集人

寇日賊果于是日自滿堂川入大會平殺傷防田人馬
兵官李浦等逼逐出塞詔增給乙都綵銀各百庄里也
綵百三年正月二十九日照河路經畧司言邈川城主
溫訥支郅成遣首領何等款塞乞補官職詔補訥支郅
城為會州團練使邈川蕃部都巡檢使溫溪心為內殿
崇班溫聲臘抹為右班殿直並邈川蕃部同巡檢阿篤
為本族副軍主僧祿尊為祿廝結族都虞候月給茶帛
有差六月七日詔補邈城主會州團練使溫訥支郅成
收溪心弟阿令京為西頭供奉官溪心男廝波溫弟阿
羅為右班殿直族弟溪已溫為三班奉職妹婿搭今波
為借職月給茶綵有差照河路言訥支郅成款塞自附

請錄其族人及酋首也十五日催熙河路經畧司趙濟
言董氈欲建一城來求鐵器且及援兵諭^議諭以朝貢
修城鐵器已令應副先具數奉至修城時當令經畧司
遣兵照管七月十一日照河路走馬承受公事樂士宣
言鬼章以蕃字與劉昌祚云我言勿興上功及更修岷
州城欲往岷州理會及聞鬼章大集兵馬未知所向上
批宜令經畧司具析鬼章書無禮且不遜何以不奏仍
即結其侵越生事及募人往探虛實嚴責並邊城寨日
夕備之閏九月二十七日董氈遣人入貢四年七月二
十二日止批已指揮熙河路都大經畧司徑道攻西賊
巢穴或北取涼州與董氈兵會董氈知九月二日照河

路經畧司言董壇首領李叱納欽等八貢稱董壇遣育
領洛施軍薦喬阿公及親兵首領抹征尊等以七月十
六日部三萬餘人赴党龍耳江錢南及龐米珂諾等處
擊夏國十一月十九日李浩言蘭州節次招討西使監
軍司管轄順夏國西蕃剌毛鬼駱耳金星囉迷等四部
族大首領蕃鈴轄樂熟等二百三十餘戶千餘口尋搆
設等弟支給例物各令歸族內有會川人戶權給官地
住坐已申熙河路都大經制司乞第與補職名詔送熙
河路都大經制司五年二月八日詔董壇首領結隣死
其朝辭物給其子董訥支蘭壇增賜絹百疋十五日詔
昨遣師問罪夏國其西蕃董壇亦遣親信首領部勒兵

馬來濟軍威事功可見既董檀見議策勲其立功首領亦
當推賞委苗校遣人因殷次告諭董檀阿令骨鬼章二
十一日詔西蕃邈川首領西平軍節度押蕃落等使董
檀封武威郡王賜金束帶一銀器二十兩色絹紬三十
歲賜增大綵五百疋角茶五百斤阿令骨為肅州團練
使鬼章甘州團練使心年欽檀伊州刺史各賜金束帶
一銀器二百兩綵絹三百疋進奉使李毗臘欽鄯州刺史
增歲賜茶綵有差青宜結鬼章止稱鬼章阿令骨稱阿
骨稱阿里骨三月五日詔肅州團練使阿里骨聞在羌
中居鬼章之右蘭州之戰又能竭力督勵諸酋堅約不
回可除本州阿樂使十七日照河經界司言董檀阿里

骨使以蕃字來告夏人通好已拒絕之且訓整兵馬以俟入討詔而授李憲師行有期即預以告四月十五日詔李憲近聞夏人復遣間使許董檀斫龍以西地求平反吳丹亦繼有使人到青唐深慮為夏賊成和近阿里骨累請師期未報恐羌情生疑故者來像環約可于秋初速與一期日遣人賜問上件事實令董檀勿聽契丹言與夏國和其他斟酌諭之八月三日以董檀進奉人景青宜完令文為瓜州團練使阿里骨為靜州刺史各賜茶綵賞軍前功也九月二十三日押賜董檀官告使許誼等上討夏國有功首領詔上等十三人與本族都軍主次等下等十八人並與副都軍主威給茶綵有

差是歲又賜董璘阿里骨鬼章及有功首領銀絹有差
六年七月十三日照河蘭會路制置司言蕃部當久扶
虛稱夏國與董璘書欲同入寇詔李憲城當久扶送董
璘阿里骨令自處置八月六日詔聞契丹遣人使夏國
及宗哥慮是西人干求契丹欲因和辭董璘可下李憲
選使開諭董璘阿里骨以契丹與宗哥相去極遠利害
不能相及令堅守前後要約協力出兵攻討西賊十二
月三日詔李憲得錄詔董璘阿里骨蕃字觀其情辭忠
智兼盡顧中國食祿士大夫存心公家者不過如此紬
繹再三嘉美無已兼爾所回委曲頗中事情甚得朝廷
欲命之意昔六谷首領羅支廝譯督輸忠朝廷協力擊

賊後終成奇功殺李繼遷于三十九井當時朝廷報賞甚厚今董璁阿里骨既効誠如此宜更激勵使深入賊境求如上功以稱朝廷撫厚之意七年二月十一日照河蘭會經畧司言董璁遣人以番書來已曰番書約今引兵深入摩滅緬樂家詔朝廷知董璁事力不能大抗西賊但不與夏人結和已于邊防有助委李憲自今所與番書不須過當督責三月二十三日詔李憲昨奏鬼章送馬十三疋乞買寫經紙事紙可就賜之而還其馬六月三日賜董璁阿里骨所部人傷中絹十疋十二月十八日董璁進奉大首領鋪撒四死于都亭驛詔賙絹百疋仍與朝辭例物附給其家八年四月十一日照西

蕃邀川首領河西軍節度使檢校太傅武威郡王董
種改檢校太尉哲宗元祐元年正月二十五日董種遣
人入貢二月十二日樞密院言董種大字稱彼疾且死
其蕃族國王事已令男阿里骨管勾按治平三年董種
承襲喃廝囉進奉赴闕依例除官詔銀青光祿大夫檢
校工部尚書使持節肅州諸軍事肅州刺史充本州防
禦使兼御史大夫上柱國阿里骨可起復冠軍大將軍
右金吾衛大將軍員外置同正員檢校司空使持節涼
州諸軍涼州刺史充河西軍節度使涼州管内觀察處
置押蕃落等使西蕃邀川首領封寧塞郡開國公食邑
二千戶食實封五百戶十八日三省樞密院言董種月

死欲依例支賜從之二十三日樞密院言董璁死近繳
到阿里骨蕃字差人進奉今詳蕃字皆阿里骨自言之
辭即不見青唐自阿里骨管事後蕃情有無不順事跡
其自來在董璁左右親信任事之人及內外主兵酋首
有無信服阿里骨指揮欲令趙濟選差曹往青唐使臣
押入蕃支賜密諭使臣令自入界體訪情定以聞從之
阿里骨除官制誥并每年所支茶絹及支賜衣帶等候
趙濟奏到取旨閏二月二日禮部言董璁等貢乳香及
溫溪心貢偏牛合回賜詔並增二分賜之其阿里骨近
奏到進奉首領等仍並依董璁改賜例支賜十八日樞
密院言河蘭會路經累安撫司公事趙濟言譯到阿里

阿里骨字乞通和事詔趙濟候阿里骨再來說及緬
樂家乞通和事令就廊延路說諭三月十六日戶部言
熙河蘭會路經畧司奏繳到阿里骨奏董檀遣表進奉
乞行回賜詔董檀更不支賜其阿里骨依元豐五年所
降指揮增賜絹百疋同日趙濟言準朝廷差使臣令訪
青唐事尋選奉職高陞押賜親見阿里骨坐董檀廳從
未應事董檀之人盡事阿里骨兼問得首領蕃部等並
各服從詔許承襲仍除節度使每年支賜茶絹衣帶等
並依二月十二日所得指揮四月七日賜阿里骨襲衣
金帶銀器茶綵又賜大首領李賒囉抹沈阿當令鑄錢
二萬九千五百有四十六月十六日誠約西蕃邈川首

領河西軍節度使阿里骨詔曰昨得卿父董檀文字稱
身有重恩且死番家國土事已教男阿里骨管勾朕以
卿祖考忠順朝廷世受封爵已降制命令卿襲封及賜
衣帑文給請受等卿繼世之初人情未一固當推廣恩
信惠養一方今聞卿自主管以來頗峻刑殺部族之衆
諒不遑寧雖出傳聞未忘憂惕卿宜以繼承為重以仁
厚為先無恃寵榮務安種落副朝廷所以封立之意思
前人所以付與之心二十一日兵部言董檀鬼章進奉
大首領李賒羅抹等各乞官職詔李賒羅抹補充本族
副軍主餘並依元豐七年故例大首領已有軍制職名
之人轉兩資其小首領各轉一官二年四月六日洮東

沿邊安撫司言鬼章男結訖

一作提

遣人馬入寇詔照

河蘭會路經畧使劉舜卿委曲開諭務令悔悟或已嘗

深入即速還將領精兵仍追趙醇忠乞誠乞順等隨事

應敵不得少失機會六月二十六日詔以邈州領結樂

為三班奉職結樂位次溫溪心統衆五千嘗遣蕃部

怯陵出漢報鬼章集洮州城事為阿里骨所得慮謀泄

領妻子歸順故有是命八月二十一日以西蕃首領伊

州刺史心年欽檀為銀州團練使溫溪心為瓜州團練

使各增月給茶綵及賜銀絹有差以不從鬼章犯邊及

奏報機事故也二十八日照河蘭會路經畧司言今月

十九日岷州行營將官神誼收復洮州生擒西蕃大首

領鬼章青宜結詔首惡已擒應隨順犯邊羌戶令劉舜
卿告諭安存免罪依舊住止願率衆入漢者收納犒設
等第以聞鬼章西蕃大首領也梁點有智謀數為邊患
至是與夏人解仇為援築洮州居之舜卿遣洮東安撫
种誼破其城擒送闕下九月十二日詔劉舜卿先撫納
河南羌酋諸朱未可下即先以禍福曉諭阿里骨若
即結禮能招撫鬼章舊部族土地即視鬼章官祿推賞
十月二十八日詔鬼章易檻車護送大理寺劾治以聞
引見日準別囚例押入殿十一月十三日以鬼章入獻
于宗政殿結犯邊狀以罪當誅死聽招其子及部屬歸
附以自贖十二月二日樞密院言西蕃鐵南城首領兀

征聲延舉其家內附昨阿里骨數欲遣使入貢宜乘此
獎護聲延啟諭阿里骨令與溫溪心同謀併力以拒青
唐東許聲延招諭未附舊族過河北主領舊地從之三
年正月二十四日詔阿里骨已差人奉表詣闕謝罪今
邊將無出兵仍罷招納四月二十一日阿里骨遣人入
貢七月四日賜阿骨詔曰惟爾祖先世篤忠孝本與夏
日日尋干戈亦惟恃我朝廷爵秩之隆用能保爾子孫
黎民之衆肆朕命爾副長乃師而自承襲以來疆苒外
擅爾弗能禁遏其所為遂據洮城以犯王略陰連夏賊
約日寇邊朕愍厲羌之無辜出納偏師而問罪元惡俘
獲餘黨散亡山後底平河南綏服朕惟率酋豪而捍疆

場乃爾世功叛君父而從仇讐豈其本意庶能改過未
忍加兵果因物以貢誠願洗心而効順爾既知悔朕復
何求已指揮熙河路更不出兵及除已招納到部族外
住罷招納依舊許般次往來買賣及上京進奉爾宜約
束種類共保邊陲八月五日阿里骨遣人入貢二十四
日以西蕃大首領鬼章為陪戎校尉九月八日樞密院
言鬼章已除陪戎校尉今阿里骨并溫溪心進奉人合
赴起居乞令鬼章當日先于前殿門謝令進奉人幕次
觀見別日赴內東門謝從之二十二日制阿里骨可落
起復特授金紫光祿大夫依前檢校太保使持節涼州
諸軍事涼州刺史充河西軍節度涼州管内觀察處置

押蕃落使仍屬西蕃邈川首領加食邑一千戶食寔封
三百戶勲封如故四年五月四日知熙州劉舜卿言廊
州主魯尊遣立章來欲焚析河橋歸漢樞密院言羌惟
忿恭萬一彼已露嫌隙復如兀征聲延棄地領衆來降
受之則阿里骨已通貢我有納叛之名不受則河南諸
羌怨漢拒已二者徒間邊隙詔舜卿如他日魯尊果欲
避禍投漢即差人撫諭為阿里骨已通貢難以收留當
諭阿里骨不得讎害如此則阿里骨無由歸曲于漢又
不致峻阻河南諸羌歸附之情七月二十四日樞密院
言阿里骨妻溪尊勇丹已封安化郡君男溪邦彪錢弟
蘇南納支並為銀青光祿大夫檢校國子祭酒兼監察

御史武騎尉充本族都軍主鬼章男結吼捉為銀青光祿大夫檢校工部尚書鎮州刺史月給茶綵有差今以進奉人未到請給宣告下經畧司差人特入蕃令阿里骨給付仍別寫蕃字告諭結吼捉已有恩命之意從之八月十七日樞密院言鬼章已除陪戎校尉請給官屋二十間月支食料錢三十緡春冬衣絹各十疋冬衣綿三十兩并時服馬一疋給萬叔令開封府推判官一員提舉從之十二月二日西蕃阿里骨并溫溪心下大小首領軟驢脚四等補職名請受有差以進奉到五年四月八日詔鬼章男蘇南結為右班殿直仍月給茶綵能以族故也撫帖部八月二十八日詔遣陪戎校尉鬼章于秦州居

住六年二月二十八日詔西蕃阿里骨男都軍主溪邦
彪發為化庭州團練使邈川首領瓜州團練使溫溪心
男巴溫為化外勝州刺史同管勾邈川部族月等第支
茶綠有差仍令范育告諭阿里骨使知優恩及諭朝廷
特與巴溫除官以破阿里骨姦謀之意四月四日熙河
蘭岷路經畧安撫使范育言西蕃阿里骨蕃字乞賜熟
銅五十斤詔賜十斤令育諭阿里骨熟銅於漢法係禁
止為爾恭順朝廷特賜之意五月十五日阿里骨遣溫
溪心入貢六月二十六日阿里骨進馬一百七十九匹
詔戶部逐匹估價於都數內增二分賜之七月二日熙
河蘭岷路經畧使范育言阿里骨蕃字稱兒章年老者

卷四十二百五十八

在者乞遣回已死即付骸骨詔以阿里骨恭順朝廷結
吮提代管勾部族寧靜特從所請令西京焚鬼章屍收
骸骨付進奉人其鞍馬錢物等並給還仍令育諭知閭
八月十二日詔西蕃阿里骨進奉大首領三十人與副
軍主小首領已有職名人與轉一資未有職名人與都
鄰虞候溫溪心下小首領依此推恩九月二十六日詔
阿里骨進奉人李阿溫隴諭藥四並充本族副軍主溪
禮仍充本族都指揮使結吮充本族軍主叱納党支今
結麻令一縮並充本族副軍主仍並為銀青光祿大夫
檢校國子祭酒兼監察御史武騎尉七年四月十二日
范育言昨擒鬼章日同時獲首領十人賞廝門四人病

死心年溫維東斯維二人已得旨賜阿里骨餘四人內
隴逋了安在岷州色順處羈管今阿里骨差來人乞隴
逋了安等詞意恭順欲依所乞遣還從之六月二十二
日照河路經畧司言西蕃洗納等族背阿里骨奔夏國
回紇兩界往來謀取董種姓溪巴溫兒董菊為主又蘭
州沿邊安撫司探到董種姓瞎養兒自西海率吐蕃
回紇人馬去青唐城一二百里駐兵有洗納心年隴逋
三族歸之阿里骨遣弟扶麻姪結叱兒等率兵追捕為
瞎養兒所敗又聞瞎養兒及洗納心年隴逋族召
之欲以繼董種其阿里骨自承襲以來元非種姓部族
頗懷不服據探報如此深恐西賊乘此釁隙援助瞎養

凡兒遂窺青唐即于邊防非便詔范育審探的寔預為
謀畫器具方畧以聞八月二十八日照河蘭岷路經畧
司言得錢南族供備庫副使兀征聲延狀聞阿里骨惡
溫溪心向漢以邀川獻與夏國方使人召溪心令赴青
唐又阿里骨疑心牟族黨叛已殺其大首領溪論兒驢
彪等三人阿里骨方憂內潰欲陰結夏賊自固萬一溪
心為阿里骨拘留或如驢彪等陰有殺害夏賊求之以
襲取邈川則西夏辰界遂至河州從此漸窺河南諸毛
為患不小詔范育約度溫溪心如未往青唐即以勾當
別事為名差人至溪心處仍以所聞作帥臣意畧安差
去人而諭溪心令自謹備以防他虞并令范育相度若

夏賊果攻邈川救之則阻河不救則溪心素忠于漢雖以坐觀不為應援又失邈川蓋生邊患宜深計熟慮預為方畧器具以聞同日范育具到洮州青藏等處脩城招納河南部事樞密院言阿里骨近累乞漢家久遠不侵占蕃家地土文字經畧司已委曲回答云汝但不於漢家作過漢家自是於汝蕃家別不生事方西夏未順曰嚴邊備若先自違約招納河南生羌不惟失信于夷狄又與西蕃生釁徒使兩賊相藉合謀腹背為患詔范育疾速誠約沿邊不得擅便招納西蕃部族如有密諭誠款之人即仰多方存撫以意羈縻婉順發遣依舊住坐九月六日樞密院言昨熙河經畧司奏乞招納河南

部族朝廷以阿里骨未失臣節已降指揮不得擅使招
納近聞阿里骨稍于河南增屯兵馬疑惑邊官頗漏招
納事意致其驚猜漸為防備緣自聞青唐不寧熙河未
嘗與阿里骨通問又前令開諭阿里骨本路亦以謂未
可遣人前去慮因此隔絕情意不通若阿里骨審知熙
河已曾招其部族又有瞎養兒之釁復又西賊拘質
其使從此合謀未為安便檢詳元祐元年內為阿里骨
與其首領不和亦曾降詔戒約今可依此詔令范育將
先降下開諭指揮祇作帥臣意隨宜增損別以勾當事
為名選有心力善辯之人往諭阿里骨大約欲色容瞎
養兒招安洗納等族早致安帖無致緬藥窺伺生心

如今其知漢憂已而無疑熙河招納之意則於今日邊情為便十二月三日西蕃邈川首領河西軍節度使阿里骨授特進加食邑食寔封八年正月十一日照河蘭岷路經畧安撫使范育言阿里骨遣人以蕃字各求立文字約漢蕃子孫不相侵犯得朝旨令諭之阿里骨已如所諭約永不犯漢復求漢如已要結臣再三計之邊防重事恐害久遠事機欲且作迤邐之意許為奉遠樞密院以阿里骨既自要結永不犯漢若無文字答之恐慮自疑開隙欲令范育報阿里骨云汝但子孫久遠當約束蕃部永無生事漢家于汝蕃界自無侵占從之紹聖元年正月十五日樞密院言蔣之奇奏昨遣人至青

唐諭阿里骨釋溫溪心仍舊統巴溪溫邈川不聽詔再
以蕃字書使人齎諭阿里骨四月九日樞密院言伴
阿里骨進奉人大首領納麻抹禮今譯語言阿里骨乞
朝廷別與一稱呼名字兼董禮時曾賜涼繖交倚紗羅
等亦乞給賜詔押伴人說諭當日董禮得賜慮有所因
自求蕃家請事並屬熙州經略司今所乞無例不敢中
奏五月十八日詔阿里骨進奉人大首領納麻抹禮沈
党征注彪克本族副軍主小首領部指揮使溪禮克本
族軍主指揮使小首領副指揮使阿驢克本族都指揮
使小首領軍主結吼副軍主阿客比納結逋克本族軍
主小首領都虞候党征斯難巴禮並克本族副軍主仍

並授銀青光祿大夫檢校國子祭酒兼監察御史武騎尉八月十五日知熙州蔣之奇言阿里骨繫取溫溪心後溪心姓溫阿明亡入西夏欲借兵復離今謀報夏賊點集或云往西蕃收遡川西蕃嘗為備禦之計臣欲因其不安遣人諭阿里骨若夏人果犯溪界即令出兵牽制若犯西蕃即本路亦與出兵應援詔從之二年十一月二十四日上批熙河路蕃官乞順誠李忠傑趙懷義趙永壽累立戰功可經畧司差使臣管押乘驛兼程赴闕欲略與慰勞遣還貢以後劾三年正月六日詔阿里骨男銀青光祿大夫檢校工部尚書使持節庭州團練使溪蘇南邦彪錢為使持節鄯州防禦使阿里骨弟銀

青光祿大夫檢校國子祭酒武騎尉充本族都軍主蘇
南納友為使持節西州刺史十九日軍頭司引見番官
四方館使階州防禦使色順色誠若沮沒移及其恩色
用色海或逋馳射廷下賜袍帶器幣有差賜若沮沒移
姓趙名忠順男成逋名嗣勤二十九日詔進奉人阿里
骨大首領副主渴惹納余龍充本軍副都軍主察官提
作洗京比囉厮難並充本族副軍主三月十七日樞密
院言阿里骨近差人修貢朝廷恩撫優厚訪聞日近妄
傳熙河路欲招納青唐并河南部族慮其疑懼詔令熙
河蘭岷路經畧司嚴切誠約沿邊官司各令知朝廷撫
遇阿里骨之意十九日詔授西界蕃官左班殿直屈逋

浪逸如欲歸漢許環慶路經畧司接納仍與供奉官充
巡檢四月十三日^日鄜延路經畧使呂惠卿言投來蕃部米
吃多詐投南界體探城寨人馬詔米吃多特^{李忠傑}斬十八
日軍頭司引蕃官東上開門使雄州防禦使米吃多等
呈試武藝詔李忠傑李阿埋各與一官內李忠傑回授
與兒男阿埋賜名世恭加遙郡刺史七月二十九日詔
阿里骨累捷熙河路經畧安撫使等奏及近進奉渴失
納余龍到闕累以夏人情狀傳報朝廷事具悉卿嗣有
封域世為蕃垣而能屢覘敵情密陳邊計嚮風助順益
見忠勤宜示寵存載加勞賚今遣^差禮賓使李宇供脩庫
副使王師中充撫諭使副往彼撫問及面諭朝廷旨意

又救溪蘇邦彪錢蘇南訥支心年欽檀結吮捉久陪藩
翰忠順有聞益體眷存往圖報稱其賜資等並依元豐四年賜董縉等例
九月十三日西蕃邈川首領河西軍節度押蕃落等使
阿里骨卒阿里骨董縉養子也其母長年瞎逋嘗給事
縉故養阿里骨為子及長為都管首領熙寧十年縉遣
使來貢詔以為和州刺史元豐四年出師問罪夏國縉
集六部族兵十二萬分三路軍會明年詔以縉為河西
節度使武威郡王阿里骨為肅州團練使縉病內侍阿
里骨外委鬼章阿里骨擅事在羗中居鬼章右蘭州之
戰能竭力督勵諸酋堅約不回進本州防禦使元豐六
年縉病卒亟召諸族首領至青唐城謂曰吾一子已死

惟阿里骨母事我當以種落付骨諸酋皆服從既卒骨
逆居青唐領事自是屢通貢獻卒年五十七詔以其子
瞎征承襲十一月二十四日詔賜西蕃阿里骨孝贈絹
五百足羊百口酒五十瓶其羊酒並以絹充仍脩寫蕃
字差慣熟使臣一名管押入蕃十二月二十一日熙河
蘭岷路經畧提點熙河蘭岷等路漢蕃弓箭司言昨于
紹聖二年五月岷州管下衣彪族首當征結等四十
戶投西蕃結吼捉據熙州蕃官防禦使溫玉將到當征
結等文字欲出漢逐司看詳阿里骨新卒其子方接續
管勾羗情初定蕃中管兵首領惟結吼捉最為雄盛其
父昔為岷南所擒兼夏賊正多方邀結之際若來此時

接納恐生邊隙已宛轉令說諭當征結等爾等舊屬漢
戶因事逃避朝廷已放罪即目為阿里骨有事若便出
漢擾動蕃情候事定別有信令歸漢從之仍照更以恩
意羈縻安當征結勿絕來意四年正月五日詔故西蕃
邈川首領河西軍節度使押蕃落等使阿里骨男鄯州
防禦使兼御史大夫上柱國瞎征起復為冠軍大將軍
檢校司空使持節涼州諸軍事涼州刺史充河西軍節
度涼州管內觀察處置押蕃落等使西蕃邈川首領特
封寧塞郡開國公五月十一日朝奉郎安師文言近沿
邊降築城塞西賊舉衆入寇涇原敗衄而去今因于點
集漸以窮蹙竊聞諸路廣行招納切中事机向日歸明

朱智用久已向漢為夏國各有把截卓望口鋪無緣遂
達中土後因事至邈川先與溫溪心下小首領到熙州
家諭歸順之意後闔家同行歸漢闔邈川與吐番部落
雜處又所龍跡朱城等處日有博易人情狎熟乞安熙
河經畧司差請曉蕃情使臣告諭邈川首領及蕃商等
如能誘引夏人歸順每名優給茶綵如此則右廂之人
必由吐蕃而至者甚衆然自來吐蕃與西夏心相睽貳
外示和好更乞密行經畫詔熙河蘭岷路經畧司密切
從長相度施行六月二十三日熙河蘭岷經畧司言趙
醇忠母李撒耳君言孫男永壽等陷夏國請令永壽弟
永順永吉管勾族分仍請錄永壽男阿陵承襲官爵永

福永保二人史候三年不出請令與弟承襲詔阿度特
與內殿崇班仍賜名世長差充本族巡檢先支與請給
候及格正行管勾餘依李撒耳君所請十一月二十八
日又言蕃官色順狀先尋訪到邈川大首領溫溪心孫
結施溫今年三十二春有官職詔結施溫為內殿崇班
元符元年二月十五日詔沒細游成寧特與內殿崇班
差充本族巡檢賜銀絹錢各二百其餘同出漢人合補
與名目者斟量高下以空名宣劄補填訖以聞從熙蘭經里司
也請四月二十二日詔西蕃瞎征下進貢大首領已有職
名人與轉兩資未有職名人與副軍主小首領已有職
名人與轉一資未有職名人與都虞候每年各支茶絲

有差五月九日詔噶征進奉大首領納麻抹璪小首領
阿驢等並為銀青光祿大夫檢校國子祭酒兼監察御
史充本族副都軍主軍都指揮使二十一日熙河蘭岷
路經畧司言歸順部落子大首領薨名姚麥乞特補西
頭供奉官帶本族巡檢從之二十九日樞密院言蕃官
三班奉職都囉漫丁等乞改賜姓名詔賜姓都內囉漫
丁名懷順都囉漫娘昌名懷忠七月三日涇原路經畧
司言收到部落子訛山等二十二人歸漢按訛化唱山
乃妹勒都逋親隨得力背鬼能率人歸附望特與補一
殿侍名目從之七日噶征下進貢首領蘭璪只難等辭
令大首領少留上命中使宣諭及賜戰袍一內副使仍

賜束帶及詔賫征進貢人為第一次遣首領赴闕特派
賜錢千緡其進貢馬仍回賜錢帛八月七日熙河蘭會
路經略司言蕃官色順引邈川大首領溫漢心男已溫
子已訥支來歸詔已訥支為內殿崇班又涇原路經畧
司上歸明部落子歲丁功狀詔歲丁為三班借職十月
三日又言歸附大首領等乞優加職任詔呂永信為甘
州團練使涼州一帶蕃部都巡檢鈐轄仍候引見日賜
牌印對衣金帶鞍轡馬妻蘭征陽封會寧郡君仍候引
見日賜冠帔男成屈為西頭供奉官仍賜名良嗣細尚
輕丁理為供備庫副使卓羅石廂一帶蕃部巡檢二年
正月十九日詔西蕃邈川首領河西軍節度使起復冠

軍大將軍檢校太保瞎征落起復授金紫光祿大夫仍
舊西蕃邈川首領六月二十六日洮西沿邊安撫司言
西蕃青宜結毛遣人報說欽波結蘇南巴乞旗號欲來
降詔孫路詳朝旨措置毋失機會八月二十一日熙河
蘭會路經畧司使孫路言宗哥大首領等獻納本城已
令王瞻差使臣同蕃官李蘭檀納支帶漢蕃人馬前去
占守又據李蘭檀納支稱青唐心牟欽檀青歸論征等
來詣心白族歸漢已差都鈐轄王愍領兵赴宗哥城應
接招納又言李蘭檀納支稱青唐遣人往迎瞎養吼為
王又緣瞎征已還在外萬一瞎養吼乘虛領眾徑入青
唐則其勢方盛必不肯歸漢今青唐勢已離貳瞎征決

須歸順若及此時更添人馬速往宗哥張耀聲勢大事
必集詔經畧司令王瞻且在邈川宗哥青唐城已來招
納部族及具措置事件申本司相度施行二十七日樞
密院言王瞻等申招納青唐王子瞻征并大首領旦夕
歸乞降招納恩賜瞻征與舊官仍賜對衣金帶銀器細
絹漢已溫與瞻征一等推恩第一等如心年欽檀結呪
觀之類與正任刺史次與遙郡刺史至左侍禁各賜金
帛袍帶有差餘人該說未盡者並令經畧司奏聽朝旨
比類推恩九月十九日又詔龍抄閏九月三日宰臣章
惇劄子據熙河蘭會路經畧安撫使胡宗回申青唐新
偽主龍抄及大首領結呪觀心年欽檀率諸族首領并

在城番漢人部落子回鶻等并契丹夏國回鶻僞公主等並出城迎降詔熙河蘭會路經畧司候隴拶到熙州館舍供帳優加禮待其餘大小首領各令隨溪巴溫隴拶及瞎征作兩番赴闕瞎征差入內供奉官黃經隴拶差入內供奉官李穀並前去熙州照管進發務從優渥二十二日樞密院言胡宗回奏迎收復青唐所有僞王子應干僭擬乘輿服御之物金銀佛像本司已指揮王瞎差使臣管押赴闕及瞎征先進真珠一袋并傳國印朔方軍節度使等印共四十四面二匣詔經畧司選差使臣管押赴闕十月九日知鄯州王瞎奏有大首領結吒覲心年欽檀蘭道叱巴金符心年冷麻欽提剌兵龍

羶龍通驢斯鐸搭提馬洛等九人于洗納阿結家謀遣
逐族質戶入城欲于閏九月九日夜內外相應復奪青
唐城已將結吼猷等處置訖詔除暗征隴拶及不曹謀
叛合赴闕人依前降指揮發遣赴闕其邊厮波結兄弟
係反叛人結吼猷之子已首先歸漢仰經畧司監管并
家屬交付提點赴闕所管押赴闕十六日錄改蕃官皇
城使朱守貴男再榮為右侍禁再立為三班借職係順
朝順明並為三班借職十九日詔欽波結特授兵備庫
副使充講朱等四城巡檢角婢特授東頭供奉官充本
族巡檢母尊麻特支賜銀絹各三百匹兩令李穀一就
照管赴闕朝見先是青唐蕃賊約一萬餘騎圍閉公錯

鑿城欽波結角蟬率鬼臚族伏混臚谷出不意與官軍
相為表裏攻退番賊其欽波結與角蟬通邊廝結之子
方率眾解圍城中糧盡其母尊麻出害麦以飽官軍母
子兄弟向漢故有是命二十二日詔邊廝波結特授供
條庫使遙郡刺史令李穀一就管押赴闕先是旼援河
南是旼援河
旼有是命十一月三日入內供奉官李穀言奉詔照管
王子晤征等赴闕晤征龍抄并邊廝波結欽波結角蟬
首領乞賜忠順等旗使知朝廷恩寵晤征龍抄以忠順
餘外忠勇及心白為三等仍等第賜以銀袍帶且貸其
罪令闕朝見又選見留諸族首領歸順立功之人權補
管勾部族及帶巡檢給與請俸將來與正補管勾從之

七日詔青唐蕃部巴廝雞與東頭供奉官充本族巡檢
巴廝輝等並與右侍禁野蠻等並與右班殿直那通等
並與指揮使巴廝雞等首能率神波族向漢掩擊作過
部族經畧司以功狀聞故有是命二十三日熙河蘭會
路經畧司言邈川管下新歸順朴心族首領巴把吼青
宜賒羅添令下族蕃部邦彊與蕃賊鬥敵射死甚多詔
巴把吼與左侍禁青宜賒羅與左班殿直邦彊與右班
殿直並差充本族巡檢十二月十六日樞密院言西蕃
自喃廝羅以來向化効順世受朝廷封爵緣董檀無後
致阿里骨父子相繼篡奪今部族逼逐暗征出漢雖已
立隴拶其隴拶尋亦歸降緣巴溫隴拶並添喃廝羅房

族即非本族子孫按石駟驥使趙懷義在河州乃喃厮
羅之嫡長曾孫於董壇最為親的種姓詔隴拶依已降
朝旨除河西節度使差知鄯州軍州事充西蕃都護仍
依府州折民例世世承襲知鄯州應鄯州管下部族並
今仍舊管勾其趙懷義除鄯州團練使同知湟州軍州
事兼湟州管下部族同都巡檢使其逐處城寨除通接
鄯州等州道路處令熙河蘭會路經畧司精加葺治
量差兵馬戍守其餘並令王瞻龍抄王厚趙懷義同相
度分布與近上心白首領管勾內如青歸論征捨欽角
四之類向漢有功之人速具功狀等第以聞當議依格
優與官賞三年正月十一日又言知湟州王厚保明蕃

苗洛吳并小首領廝鐸壇與多羅巴人會戰奪還所虜
漢人戶及生擒蕃賊獲馬旗等乞優與推恩洛吳與東
頭供奉官差克本族都巡檢廝鐸壇鈐令結薦廬令結
角婢並與三班借職各賜銀帛有差十六日又言昨以
青唐晤征嗣立國人不順故迎董壇姪溪巴溫欲復其
國性既而國亂溪巴溫晤征不能自立遂出降故溪巴
溫之子龍拶乘間入青唐稱王子邊臣欲因有其地及
渡河據邈川以重兵臨之故龍拶亦出降既而部族多
叛復軍殺將今又引兵圍錯城上謂曾布曰事須卿等
措置布云臣等固不敢不盡力然蕃情未安未敢保其
事近已降詔旨以龍拶為河西節度使令如府州折民

世世承襲知鄯州庶蕃情稍順服事已如此但且隨宜營救特重而已上曰善二十四日樞密院呈邊奏上曰陝西路轉運判官秦希甫奏比論鄯州難守致胡宗回怪怒乞行迴避并前後臣僚論鄯州棄守利害不同等事備錄下宗曰希甫須管公共協力體度邊情具果決指定可守可棄事狀聞奏如有可守之理而輕議廢棄或不可強守而妄稱可守致誤措置當重典憲如挾私避事故相違戾亦根究理曲之人竄黜仍令宗回同計置般運糧車二月二十一日三省樞密院同呈知熙州胡宗回奏鄯州利害詔令王瞻以心白首領分治青唐訖引兵歸湟州相度隴拶于熙州或岷州住坐仍諭漢

巴溫或小龍撈令依舊主管青唐當議與河西留後遣
王愍姚雄往鄯州同共措置王瞻聽王愍節制如違依
軍法施行仍指揮熙州帥臣盡以兵馬交付王愍二十
二日詔秦希甫更不合同共相度鄯州事二十四日以
蕃官龜名阿埋昧勒都逋二人為率府率充渭州都監
三月四日以青唐同管國事青歸論征為內藏庫使送
郡刺史餘各命官至殿直奉職有差時大首領心牟欽
璽等背叛獨青歸論征與其黨堅守為朝廷誅討叛者
故慶興之十八日引見龍撈等龍撈一班契丹公主一
班夏國回鶻公主次之瞻征一班邊廝波結并族屬首
領次應族屬首領各從其長以次起居僧尼公主皆蕃

服蕃拜並謝冠服謝訖賜酒食橫門外是日宰臣執政
侍從官宗室戚里正任以上皆侍立以契丹公主錫令
結年為國太夫人夏國公主金山回鶻公主青迎結年
董擅姊瞎比年並為郡太夫人董擅姊党征丹瞎征青
屬大母掌扒令並為郡太君董擅女結成丹瞎征妻專
寧夏國公主女瞎衫並為郡君瞎征女藏安哥婦瞎裡
溪角厮彪邦彪錢妻尊溪結邊厮波結妻結施心拶把
拶沈魚錢妻瞎毛巴女厮雞並為縣君大首領四人隴
拶舅瞎里結為里賓副使充本族都巡檢瞎征長男瞎
裡溪角厮彪邦彪妻妹沈魚錢故邊厮波結下壻彪裡
並為內殿承制本族都巡檢同日詔問隴拶以何術招

漢巴溫隴拶云漢巴溫先遣臣出漢亦欲相繼而來為
郎阿章所制不果若朝廷放阿章罪而招之必易為力
諭云已有放罪招喚指揮隴拶云如此待到岷州便遣
人說與若不從即以兵馬取阿章頭來諭以招誘得來
為喜不須殺也問何故必欲往坐岷州隴拶云無他欲
與色順趙懷義家部族相依耳二十一日西蕃偽王隴
拶可特授待節涼州諸軍事涼州刺史充河西節度涼
州管内觀察處置等使知鄯州軍州事兼管內勸農事
上柱國特封武威郡開國公食邑二千戶食實封五百
戶又西蕃邈川首領河西軍節度使檢校太傅上柱國
軍塞郡開國公晤征特授依前檢校太傅待節琳州諸

軍事琳州刺史充懷遠軍節度琳州管內觀察處置等
使加食邑伍伯戶勲封如故龐撈特依漢官給俸於岷
州住坐瞻征于鄧州居住給茶綵而已四月五日三省
樞密院同進呈熙河路奏姚雄追還王瞻以下兵將回
河州及附帶到青唐物數已支三偽公主以下粧粉錢
特支秦鳳路洮州首領逋撒孝贈六日賜西蕃偽王河
西軍節度使知鄯州龐撈姓名為趙懷德五月五日以
蕃官逋撒次男抹令為右侍禁承襲本族巡檢徽宗
建中靖國元年三月十二日詔以河西軍節度使趙懷
德知湟州應首領部族三偽公主並從請給仍舊盡賜
見在糧草委之招納携叛鎮遏邊境許以戎索從事或

願歸青唐別差人主管邈川亦聽從使其元置守臣及
官吏將悉追還除存留湟州城壁樓櫓外沿路堡塞並
令毀撤仍命復州防禦使姚雄知熙州委以措置并諭
溪巴溫知之二十一日樞密院劄子據姚雄奏青唐邈
川始因王瞻貪功生事招誘羗酋收復窮遠之地費財
勞神連歲不解至于顛危幾陷兩路軍馬煩朝廷遣兵
救應僅能完師而還兼據臣僚奏王厚王瞻自入據青
唐邈川其董禮暗征所有珍寶應付庫之物並不置收
支歷仍一面給散將士裹私焚燒却青唐元管簿籍及
大首領心年欽禮等九人既已處置逐家財產亦不見
下落又檢會臣僚奏王瞻王厚初領兵入邈川青唐瞻

等即時開府庫以給散將士為名尋打疊犀玉之類用駝駝裝載出蕃并寺內有金佛三尊皆帶珠子璽珞並係瞻等分張本路體量到王厚令人搬珠十六布袋入打角金鏡匣金瓶等物搬往熙州本家詔王瞻軍追毀出身以來文字除名勒傳免真決不刺面配昌化軍城永不放還王厚責授賀州別駕郴州安置仍下逐處各選差使臣一員兵級十人管押前去崇寧元年五月十五日鄧州言新歸明蕃官懷遠軍節度使瞻征因患身亡特賜時贈絹布有差十一月五日制西蕃溪賒羅撒可特授金紫光祿大夫檢校司空持節鄧州諸軍事鄧州刺史充西平軍節度使鄧州管内觀察處置押蕃落等

使西蕃選川首領上柱國特封燉煌郡開國公食邑二千戶食實封五百戶十二月二十九日臣僚奏仰惟世宗用王瞻等謀議不預一甲不費一錢坐致青唐邈川之衆籍其土地甲兵而有之前日權臣挾愛憎之私情逞一偏之曲說以欺罔朝廷盡委而棄之更以他罪戮及瞻之身臣聞樞密臣安燾唱其說韓忠彥曾布佐其意蔣之奇又從而和之朝廷不追正當時主議棄地權臣之罪而顯黜之則無以伸往昔之冤詔除李清臣身亡已追貶龔夬張庭堅除名勒停編管外韓忠彥曾布安燾蔣之奇范純禮責降有差二年二月七日青唐大首領趙蘭壇所雜貢方物七月二日青唐納土百官入

賀十二月二十七日制西平軍節度鄯州管内觀察處
置等使金紫光祿大夫檢校司空上柱國燉煌郡開國
公溪陰羅徽特授檢校太保加食邑一千戶食實封三
百戶三年四月二十二日詔威州團練使熙河蘭會路
經略安撫王厚為武勝軍節度觀察留後以其盡復青
唐故地也以集賢殿修撰熙河路都轉運使程之邵為
顯謨閣待制初遣之邵於河湟州椿錢糧如期辦給故
賞之二十七日詔西蕃歸順婦人賸比年蘭種蕪卒封
安化郡夫人以師次龍支能效順顯助官軍故也蕃官
皇城使提廝結特授白州刺史以納土故也大觀二年
五月十九日詔左正議大夫知樞密院事張康國為右

光祿大夫左銀青光祿大夫門下侍郎何執中為金紫
光祿大夫左正議大夫中書侍郎梁子美尚書左丞林
摠同知樞密院事鄭居中並為右光祿大夫以收復洮
州溪哥城加恩也政和五年十二月二十七日處分邊
防司奏據隴右都護中議國夫人蘭縵兼卒身亡係故
趙懷德姑其親姪女阿堅乞承襲邑號準兵部符別無
似此條法詔特許承襲光堯皇帝建炎元年六月二十
七日詔錢蓋依舊為陝西經制使先是蓋在靖康間嘗
建議河外湟鄯之地於朝廷無毫髮利而歲費不貲為
中興患不若求青唐之後而立之使撫有其舊部以為
藩臣有益麻党征者故王之子素為國人信服儻封立

之必得其力至是朝廷用其策遣蓋為使賞告賜益麻
党征措置湟郃事因調發五路軍馬赴行在故有是命
紹興六年三月二十六日成都府等路安撫制置使席
蓋奏訪聞吐蕃首領益麻党征賜姓名趙懷恩者見在
閬州宣撫司今來一司減罷竊慮無處收係乞令本司
存卹收管仍降金字牌處分從之